

հասնիլ ընդ այն , այլ պահանջէր զայլ ինչս , սպառնացեալ նմա վարել զնա յաքսոր յէջմիածին , և կամ ածել 'ի Կոստանդինուպօլիս : Նեղեալ միաբանաց 'ի բռնութենէ աստի՛րողքք բարձին 'ի Գուռն , և խնդրեցին զիրաւունս , կարճել զբռնութիւն Աւետիք վարդապետի , որ զօրացեալ էր 'ի վերայ նոցա : Իսկ դուռն հրովարտակաւ Արքայի՛ աղջարար զգանկատանս միաբանաց դատաւորին Երուսաղէմի , և եհարց ցնա՛ եթէ արդարեւ ըստ վկայութեան իւրեանց տուեալ իցեն զբովանդակ հաշիւս վանաց , եւ օրինօք ընկալեալ զգիր վկայութեան 'ի դատարանէ՛ բարձցեն զբռնութիւն Աւետիք վարդապետի , և մի տացէ թոյլ նեղել զմիաբանսն , զի բնակեցցին խաղաղութեամբ 'ի տեղիս իւրեանց :

Աւետիք վարդապետ ոչ բաւականացեալ այսու , ձեռն արկ չարչարել նաեւ զՄինաս վարդապետ վասն հաշուոյ , որ արդէն տուեալ էր և նորա ոչ ընկալեալ զայն՝ յօգէր զայլ և այլ պատճառս , և խնդրէր 'ի նմանէ և զայլ գումարս դրամոց , և յընդդէմ դառնալ Մինաս վարդապետի , ծագեցաւ 'ի միջի խռովութիւն մեծ , և յառաւել նեղիլ 'ի բռնութենէ աստի , զիմեաց առ կուսակաւն Դամասկոսի Չերքէզ Մէհէմէտ Փաշայ , և խնդրեաց 'ի նմանէ գիր առ քաղաքապետն Երուսաղէմի , զի տացէ Աւետիք միջոց փամանակի , դալ գործակալաց Մինաս վարդապետի 'ի Կոստանդինուպօլսոյ , առ որս են ամենայն մուրհակք և թըղթեանք իւր , և նա գրեաց ըստ բանի նորա , ուր 'ի վերջոյ յաւելու , չտալ թոյլ նեղել զՄինաս վարդապետ : Լուեալ Աւետիք վարդապետի զեղեալն յերուսաղէմ , մատոյց դիր ամբաստանութեան առ Եպարքոսն , և չարախօս լեալ զՄինաս վարդապետէ ասէ՛ չարագործ է և անհաւատարիմ առ աղգն , և դարձեալ է 'ի Փրանկութիւն , և ըստ հաճոյցի իւրոց կամաց եղեալ է զվանս մեր 'ի դրաւի , և գործեալ է զմեծամեծ չարիս և զվնասս : Ի ծանուցանել նորա զայսոսիկ բանս Արքայի , գրեցաւ հրովարտակ առ դատաւորն Երուսաղէմի , քննել զամբաստանութիւնս Աւետիք վարդապետի յատենի ժողովոյ , և ծանուցանել 'ի Գուռն :

Ի հասանիլ հրամանին՝ կոչեաց դատաւորն զմեծամեծս այլազգեաց , զիփխանորդս Լատինաց , Յունաց և Ասորոց ,